

Botho ba Petrose



SABATHA MANTSIBOEA

Bakeng sa thuto ea Beke ena, Bala:

Luka 5:1–11; Matt. 16:13–17; Matt. 14:22–33; Luka 22:31–33, 54–62; Ba-Gal.2:11–14.

Temana ea Khopolo:

“Empa ha a bona moea o le bohale, a tšoha, ’me ha a qala ho teba, a hooa, a re: Morena, mpholose! Jesu a phakisa a otlolla letsoho, a mo tšoara, a re ho eena: Motho ea tumelo e nyenyane, u belaeletse ’ng?’” (Mattheu 14:30, 31).

Petrose ke sengoli sa libuka tse peli (1 le 2 Petrose) tse bitsoang ka eena. E bile e mong oa balateli ba pele ba Jesu; a lula le Jesu nakong ea bosebeletsi ba hae mona; ’me e bile e mong oa barutuo ba pele ba ileng ba tla ho bona lebitla le lephaka. Joale Petrose o na letlotlo la maiphihlelo ao ka tšusumetso ea moea o halalelang, a ka a hlokang ho ngola mangolo ana a matla. “Hobane ha se ka ho ea ka litšomo tse entsoeng ka mano re le tsebisitseng matla le ho tla ha Jesu Krete, Morena oa rōna; empa e le kahobane re iponetse boholo ba hae ka mahlo a rōna” (2 Pet. 1:16). Petrose o hlaha hangata li-evangeling, a senola litlholo le ho hloleha ha hae. E ne e le ’muelli oa barutuo likopanong tsa bona le Jesu. Ka mora tsoho le nyolohelo, Petrose e ile eaba moetapele ea hlaleletseng oa kereke ea pele. Buka ea liketso e bua ka eena, joalo ka buka Ba-Galata.

Hoa bohlokoa ka ho fetisisa, Petrose o ne a tseba hore na ho joang ho etsa liphoso, ho tšoareloa, le ho hahamalla pele ka tumelo le boikokobetso. Ka ho ba le maiphihlelo ka bo eena ka mohau oa Molimo, ’me o lula e le lentsoe le matla bakeng sa rōna bohle ba hlokang ho ba le maiphihlelo a mohau o tšoanang, le rōna.

**Bala thuto ea beke ena ho lokisetsa Sabatha, ’Mesa 1*

Tloha ho 'na!

Ha re kopana le Petrose lekhetlo la pele, ke motšoasi oa lihlapi leoatleng la Galelia (Matt. 4:18, Mark 1:16, le Luka 5:1–11). O ne a sebelitse bosiu bohle a sa tsoase letho la hlapi. Empa eena le ba tsamaeang le eena ba mamela taelo ea Jesu ea ho khutlela leoatleng le ho leka hape. E be ke ho makala ho ho kae hoo Petrose le ba bang ba bileng ho hona ha tsoasitse lihlapi tse ngata hoo likepe tsa bona li batlileng li teba. Ke'ng e neng e le likellelong tsa bona ka mora mohlolo oo?

Bala Luka 5:1–9. Mantsoe a Petrose ho Jesu ho Luka 5:8 a re bolella eng ka Petrose? Ke hore, e re a eng ka boemo ba moo a neng a le teng ka semoea?

Petrose o lokela a ile a khahloa ke seo Jesu a se tsebang ka eena. Le pele ho mohlolo ona, Ha Jesu a bolella sehlopha ho beha matlooa a bona fatše, Petrose—a le leqe hobane ba ne ba sa tsoasa letho—leha ho le joalo a re: “ka polelo ea hao ke tla akhela letlooa’”. Ho bonahala e ka Petrose o ne a tseba letho ka Jesu, 'me tsebo ena ea mo susumetsa hore a mamele. Le joale, bopaki bo supa hore Petrose o kile a ba le Jesu pejana ho ketsahalo ena. Mohlomong sesupo se seng ke Luka 5:3, e buoang ka se etsahetseng pejana ho mohlolo ona oa lihlapi. “A kena ho se seng, e leng sa Simone, 'me a mo rapela hore a se suthise hanyenyane lebopong. Eaba o lula sekepaneng, a ruta matšoele”. Mohlomong lentsoe la Jesu mona ke se susumelitseng Petrose haholo.

Leha hole joalo ka mora mohlolo, Petrose a eelloa se sengata ka Jesu, se seng se halalelang khahlanong le boetsalibe ba hae. Tlhokomelo ea Petrose ea boetsalibe ba hae, le takatso ea hae ea ho ikamohela phatlalatsa, e bontša ka moo a neng a bulehetsa Morena. Ke kahoo a ileng a bitsoa! Hosa natsoe mefokolo ea hae, cona e ne e le mengata, Petrose e ne e le monna oa semoea ea neng a le malala-a-laotsoe ho latela morena, ho sa tsotellehe hore na thata ha kae.

Bala Luka 5:11. Taba e bohlokoa ke e fe mo? Temana ee e re bolella eng ka mokhoa oa boinehelo oo Jesu a o hlokang? E lokela ho re bolella eng, hape, hore batšoasi bana ba ne ba ikemiselitse ho nyahlatsa tsohle ha matlooa a bona a se a tletse?

Ho bolela Kreste

E 'ngoe ea liketsahalo tse kholo paleng ena ea Jesu puisanong e bileng ho eena le Petrose. Jesu o ne a sebetsana le ba bang ba bangoli le bafarisi baneng ba mo qhololitse hore a ba fe pontšo, se seng se ka pakang seo a leng sona (sheba Matt. 16:1–4). 'Me ha morao, a na le barutuo ba hae, Jesu a bua ka mehlolo ena e 'meli eo a e entseng, eo ka eona a fepileng habeli likete tsa batho ka mahobe a fokolang le lihlapi. O entse tsena tsohle boemong ba ho hlokomelisa barutuo ba hae ka “tomoso ea bafarisi le basaduse” (Matt. 16:11).

Bala Mattheu 16:13–17. Ho etsahalang eng mo? Ke bohlokoa bofe ba mantsoe a Petrose ho Jesu?

Petrose mona o buile ka sebete ka tumelo ea hae ho Jesu. 'Me ho hlakile ho Mattheu 16:20 ka hore boipolelo ba hae ba Kreste e le Messia e ile arolelanoa le ba bang, hape. Sena e ne e lokela ho ba phetoho bosebeletsing ba Jesu, leha barutuo ba hae, hong le Petrose, ba ne ba ena le se sengata seo batla ithuta sona.

“Barutuo ba ne ntse ba lebeletse Kreste ho busa e le morena oa tsa lefatše. Leha ka nako e telele a ne a patile morero oa hae, ba ne ba lumela hore a ke ke a lula bofumeng kamehla; nako e ne ele haufi haholo eo a tla theha 'muso oa hae. Hore lehloeo la laprista le bo-rabbi le ke ke la hloloa, hore Kreste o tla latoloa ke sechaba sa hao, a lahloe joalo ka mothetsi, le ho thakhisoa joalo ka sesinyi,—mohopolo oo barutuo ba so kang ba eba le ona.”—Ellen G. White, *The Desire of Ages*, p. 415. Hang hoba barutuo ba e le hloko Jesu e le Messia, Jesu o qala ho ruta hore o lokela ho hlorisoa le ho shoa (sheba Matt. 16:21–23), mohopolo oo Petrose a neng a ke ke ao amohela. Petrose o isa le moo a “khalemelang” Jesu. Jesu joale o khutlela ho Petrose 'me o re, “‘Tloha ho 'na, Satane’ ” (Matt. 16:23). Ena ke e 'ngoe ea lipolelo tse matla tseo a li buileng ho mang kapa mang bosebeletsing ba hae; empa o e buile molemong oa eena Petrose. Mantsoe a Petrose a bonahatsa takatso ea hae, semelo sa hae sa boikhabo ka seo a se batlang. Jesu o ne a lokela ho emisa tseleng tsa hae, hona moo ka eona nako eo (le ha Jesu ha e le hantle a ne a bua le Satane, Petrose o ile a fumana molaetsa). Petrose o ne a lokela ho ithuta hore ho sebeletsa Morena ho kenyeletsa mahlomola. Hore e be o ithutile thuto ena ho hlaka lingoloeng tsa hae ha morao (sheba 1 Pet. 4:12).

Ke ha ngata ha kae litakatso tsa hao li hohlanang le seo tsebang hantle hore Molimo o batla hore o se etse? Khetha joang seo o se etsang boemong boo?

Ho Tsamaea Holima Metsi

Nakong ea bona le Jesu, barutuoa ba bone limakatso tse ngata, leha ba fokolang ba bona ba ka bapisoa le liketsahalo tse hlalosoang ho Mattheu 14:13–33, Mark 6:30–52, le Johanne 6:1–21. Jesu o sebelisitse mahobe a mahlano le lihlapa tse peli ho fepa batho ba fetang likete tse hlano. Hape, ke eng se neng se loba=loba lihlohong tsa bona ka mora ho bona se kang see?

Bala Mattheu 14:22–33. Ke molaetsa ofe oa bohlokoa oo re ka o nkang paleng ee ho re thusa leetong la rōna le Morena?

Ka phepo ena ea matšoele, banna bana ba ne sa bone matla a Jesu ka tsela e makatsang. Ruri o ne a laola tlhohleho. Seo e lokela e be se ileng sa thusa Petrose ho etsa kopo ea hae e sebete: “Morena, ha e ka ba ke uena, laela hore ke tle ho uena holima metsi” (Matt. 14:28). Boipolelo bo matla ba tumelo! Jesu, joale, o ananela tumelo ena le ho bolella Petrose ho tla ho eena, e leng seo a ileng a se etsa, boipolelo bo bong ba Petrose ba tumelo. E ka be e bile taba e ’ngoe ho tsamaea holima metsi ha ho ne ho khutsitse, empa Petrose o entse joalo hara sefefe. Thuto ea pale ena e ka ho tlosa mahlo a rōna ho Jesu. Empa ho na le tse ngata. Petrose o lokela e be ruri o ne a tšepile Jesu, kapa o ne a ke ke a etsa kopo e joalo le ho e phethahatsa. Leha hole joalo, hang ha a e kenya tšebetsong, a qalella ho tšoha, ’me letsoalong leo a qalella ho teba. Hobaneng? Na Jesu a ka be a sa boloka Petrose a le holima metsi ho sa natsoe letsoalo la hae? Jesu, leha ho le joalo, a lumella Petrose ho fihlela boemo a ke keng a etsa letho ha e se ho bokolla ke ho hloka thuso, “Morena, mpholose!” (Matt. 14:30). Eaba Jesu o otlolla letsoho la hae le ho etsa hantle seo Petrose a se kopang. Taba ea hore e be “Jesu o ile a otlolla letsoho la hae a mo tšoara,” (Matt. 14:31), ha Jesu a ne a ka be a mo bolokile a ntse a le holima metsi ntle le ho mo ama, ruri e thusitse Petrose ho hore na o lokela ho ithuta ho itšetlha ho Jesu ha kae. Re qala ka tumelo e kholo, re tšepile matla a Morena oa rōna, empa ha boemo bo qala ho tšosa, re hloka ho hopola mantsoe a Jesu ho Petrose: “‘Motho ea tumelo e nyenyane, u belaeletse’ng?’” (Matt. 14:31).

Ho Latola Morena oa Hae

Bala Luka 22:31–34, 54–62. Ke thuto li fe tseo re ka ithutang tsona ka ho hloleha ha Petrose?

Mohopolo oa Petrose o ne o le molemo. 'Me ha ele hantle o bontšitse sebete ho feta barutuo ba bang. O latetse Jesu e le ho batla ho tseba hore na ho tla etsahalang ho eena. Empa ka ho etsa joalo, a batla ho pata boitsibiso ba hae ba sebele. Ho ikhakanya hona, ho tsoa tseleng hona ho seng le molemo le ho nepahala, ho entse hore a latole Morena oa hae makhethlo a mararo, hantle joalo kaha Jesu a ne a mo hlokomelitsitse. Pale ea Petrose mona ka tsela e bohloko ke mokhoa oa khalemo oa hore na litholoana tsa boikhakanyo li ba joang.

Joalo ka ha tseba, nalane ea Bokreste e silafalitsoe ke litholoana tse etsahetseng ha Bakreste ba iphapanyetsa linnete tse bohlokoa-hlokoa. Leha bophelo ka bo bona bo na le boikhakanyo hangata, 'me re lokela hore ka linako tse ling re ikemisetse ho fuoa le ho nka, linneteng tsa bohlokoa re lokela ho ema tsoe!. Joalo ka sechaba, re lokela ho tseba lintho tseo re sa lokelang ho ikhakanyetsa tsona, ho sa natsoe maemo (sheba, ka mohlala, Tšen. 14:12). Ho ea ka Ellen G. White, ho ikhakanya le ho hloleha ha Petrose ho qalehile Gethsemane moo, ho e na le ho rapela, a ileng a robala, 'me a ne a sa ka a ba malala-a-laotsoe semoeng ka se tlang se ba tobile. Hoja a ile a tšepahalla thapelo, o ngolile, “a ka be sa ka a latola Morena oa hae.”—*The Desire of Ages*, lq. 714. E, Petrose a hloleha hampe-mpe. Empa joalo ka ha ho hloleha ha hae ho le ho holo, mohau oa Molimo o ne o fetisa ka boholo. “'Me moo sebe se ngatafetseng, mohau le oona o ngatafetse ka holimo” (Rom. 5:20). E bile tšoarelo ea Jesu e entseng hore Petrose e be e mong oa baetapele ba pele ba kereke ea pele. Ke thuto e matla ha kakang bakeng sa rōna ka bonnete ba mohau oa Molimo. Ke thuto ho rōna bohle, ho sa natsoe ho hloleha ha rōna, re lokela ho hahamalla pele ka tumelo!

E, Petrose o ne a tseba hore na ho bolela eng ho tšoareloa. O ne a tseba seo evangeli e leng sona hobane o bile le maiphihlelo, e seng feela bonnete ba boetsalibe ba hae empa boholo le botebo bba lerato la Molimo le mohau malebana le baetsalibe.

Ke joang re ka ithutang ho tšoarela bao ba re phoqileng haholo joalo ka ha Petrose a phoqile Jesu mo?

Petrose Joalo ka Moetapele oa Kereke

Nakong ea bosebeletsi ba Jesu, Petrose hangata o ne a sebetsa e ka ke moetapele oa ba barutuo ba leshome le metso le 'meli. E ne e le 'muelli oa bona hangata. Ha Mattheu a etsa lethathamo la barutuo, o re “Oa pele, . . . Petrose” (Matt. 10:2). Petrose hape o ile a nka boemo bo hlaheletseng kerekeng ea pele. E bile Petrose ea ileng a nka khato ho khetha morutuo e mong sebakeng sa Judase Iscariota, ea neng a ekile Jesu (Lik. 1:15-25). Letsatsing la Penteconta, e bile Petrose ea ileng a hlaloseisa matšoele hore ba ne ba bona tšepiso e ileng ea fanoa ea Moea, e tšolleloang ke Molimo sechabeng sa hae (lik. 2:14-36). E bile Petrose, eo ha a tšoareloa ho bua ka tsoho ea bafu, ea ileng a bua le moprista e moholo le baetapele ba ba-Jua ba phuthehileng (Lik. 4:1-12). E bile Petrose ea ileng a etelloa pele ho ea ho Kornele, molichaba oa pele ea ileng a amoheloa e le molateli oa Jesu (Lik. 10:1-48). E bile Petrose eo Paulose a ileng a mo etela ka matsatsi a leshome le metso e mehlano ha a tlike Jerusalema ka mora tšokoloho ea hae (Ba-Gal. 1:18). Ruri, ho hlalosa potoloho ea barutuo ba Jesu Jerusalema ka nako eo, Paulose o qolla ba bararo e le “litšia” tsa kereke: Petrose, Jakobo ngoan’abo Jesu, le Johanne morutuo ea ratoang (Ba-Gal. 2:9).

Bala Ba-Galata 1:18, 19; 2:9, 11-14. Litemana tse li re bolella eng ka Petrose, leha a sebelitse ka ho hlaheletseng kerekeng ea pele?

Le joalo ka moetapele, le joalo ka motho ea bitsitsoeng ke Morena (Jesu o bolella Petrose, “Fepa linku tsa ka” [Johanne 21:17]), le joalo ka ea amohetseng pono ea ho se bitse “motho e mong ea litšila kapa ea sa hloekang” (lik. 10:28), Petrose o ne a na le kholo e bohlokoa eo a lokelang ho e etsa. Matsatsing a qalang a kereke, boholo ba Bakreste e ne e le ba-Juda, bao boholo ba bona ba neng ba “chesehela molao” (Lik. 21:20). Botoloking ba bona ba molao, ho ja le molichaba e ne e le bothata hobane Balichaba ba ne ba nkoa ba sa hloeka. Ha ba bang ba Bakreste ba ba-Jude ba tsoa ho Jakobo Jerusalema, Petrose a khaotsa ho ja le Balichaba ba Antioke. Ho Paulose, boitšoarō bo joalo e ne e le tlaselo evangeling ka bo eona. A bona liketso tsa Petrose e le boikaketsi 'me o ne a sa tšabe ho mo qholotsa. Ha e le hantle, Paulose o ile a sebelisa monyetla ho tiisa thuto ea tumelo ea Bokreste: ho lokafatsoa ka tumelo feela (sheba Ba-Gal. 2:14-16).

Leha a bitsitsoe ke Molimo, Petrose o ne a na le maqapha-qapha a hlohang ho tlosoa. Re arabela joang ha ba bang ba supa likoli tsa rōna?

Ho Ithuta Haholoanyane:

Ellen G. White, *The Desire of Ages*; “The Call by the Sea,” pp. 244–251, “A Night on the Lake,” pp. 377–382. Ho tloha ho amoheleng ha motšoasi oa litlhapi ka boetsalibe ba hae ho isa phatlalatsong ea hae e sebete ea hore Jesu ke “‘Kreste, Mor’a Molimo o phelang’” (Matt. 16:16) ho isa tatolong e mpe ea Morena oa hae le likatlehong tsa hae le liphosong tsa hae e le moetapele oa kereke, Petrose ruri e bile sebakali se ka sehlohong. Ka hona, ka tlasa tšusumetso e sa foseng ea Moea o Halalelang, a ka ngola seo a se ngotseng, e seng ka tsebo ea lipuo empa ka maiphihlelo a hae. Ha a tseba feela mohau o bolokang oa Kreste empa mohau oa hae o fetolang, hape: “Pele ho ho oa ha hae [Petrose] ho ho holo, o ne a le kapele kamehla a bile a khanna ka chofa, a bua feela tlasa tšusumetso ea nakoana. O ne a le malala-laotsoe ho lokisa ba bang le ho hlalisa maikutlo a hae pele a iphumana hantle kapa ho ho nahana seo a lokelang ho se bua. Empa Petrose o ne a bakile, ’me Petrose ea bakileng o ne a fapane le Petrose ea lehala, oa se buoeng. Leha a ne a ntse a bolokile mokhoa oa hae oa pele, mohau oa Kreste oa hlopha cheseho ea hae. Ho ena le ho buaka feela, ka boitšepo, le ka boikhohomoso, o ne a itšoara, a itumetse, le ho ruteha. Joale a ka fepa likonyana ’moho le linku tsa mohlape oa Kreste.”—Ellen G. White, *Testimonies for the Church*, vol. 5, pp. 334, 335. Ke mang oa rōna ka tsela e itseng a sa tšoaneng le Petrose? Ke mang eo ka linako tse ling, a sa kang a ema ka sebete bakeng sa tumelo ea hae? ’Me ke mang eo ka linako tse ling a esong ho ka a hloleha hampe-mpe?

Lipotso tsa ho Qoqoa:

1. E re bolella eng ka mohau oa Molimo le hore ka mora tatolo e tlollang eo ea Jesu, Petrose o ne a tla bapala karolo e hlhellseng ha kaalo e seng kerekeng ea pele empa tumelo ea Bokreste ka bo eona? (ha e le hantle, o ngotse karolo ea Testamente e Ncha.) Ke thuto e fe eo re ka E fumanang pusetsoeng ea hae ka moo re ka sebetsang le bao ka litsela tsa bona ba ka sitetsoeng Morena?
2. Ka sehlopheng, buisanang ka kotsi ea boikhakanyo bakeng sa Kereke. Ke joang re ka tsebang hore na ke linthong life re lokelang fana le ho amohela, ’me ke linthong li feng ho sa tsotellehe maemo re ke keng ra ikhakanya? Ke mehlala efe eo re ka e fumanang ka kerekeng ea bokaketsi e qetellseng ka tlakotsi? Ke lithuto li fe tseo re ka ithutang tsona liketsahalong tsee?
3. Petrose o ithutile lithuto tse ling ka tsela e thata. Ka ho bona liphoso tsa hae, ke joang re ka ithutang lithuto tseo re li hlokang empa ka tsela e bonolo ho feta Petrose?

